



Coimisiún na Scrúduithe Stáit

Scrúdú na hArdteistiméireachta, 2026

Ríomheolaíocht

Roinn C

Gnáthleibhéal

Dé Céadaoin, 20 Bealtaine Maidin 11:30 – 12:30

80 marc

Ná tabhair an ceistpháipéar seo ar ais.

Ní chuirfear an doiciméad seo ar ais
chuig Coimisiún na Scrúduithe Stáit.

Treoracha

Tá roinn amháin sa pháipéar seo.

Roinn C	Ríomhchlárúchán	Ceist amháin	80 marc
		Freagair gach cuid den cheist	

Freagair gach cuid den cheist ar do ghléas digiteach.

Is ceadmhach áireamhain a úsáid sa roinn seo den scrúdú.

Ní ceadmhach an leabhrán *Foirmlí agus Táblaí* a úsáid don roinn seo den scrúdú.

Tabharfaidh an feitheoir cóip duit de Threoir Thagartha Python.

Cinntigh go sábhálfaidh tú do chuid oibre go rialta agus i ndiaidh duit gach cuid de cheist a chríochnú.

Úsáid an struchtúr ainmnithe a bhfuil cur síos air i dtús gach coda de cheist agus tú ag sábháil do chuid comhad.

I gcás nach n-éiríonn leat píosa áirithe cóid a chur ag obair i gceart, is féidir leat an píosa cóid sin a athrú ina nóta tráchta ionas go mbeidh tú in ann dul ar aghaidh. Déanfaidh an scrúdaitheoir an cód atá anois ina nóta tráchta a athbhreithniú.

Tá leathanaigh i gcomhair sracoibre ar fáil i gcúl an leabhráin seo. Tabhair do d'aire nach bhfuil an leabhrán seo le tabhairt ar ais agus **nach** ndéanfaidh an scrúdaitheoir athbhreithniú ar an leabhrán seo.

Ag deireadh an scrúdaithe, is ortsa atá an fhreagracht a chinntiú go bhfuil do chomhaid go léir sábháilte ar do mheáin sheachtracha.

Cuirfear clúdach donn ar fáil duit i gcomhair do mheán seachtrach. Scríobh do scrúduimhir ar an gclúdach sin agus cuir do mheáin sheachtracha isteach ann sula gcuireann tú séala air. Ansin, cuir an clúdach sin isteach sa phútse atá ar thosach an chlúdaigh dheirg ina bhfuil do leabhrán scrúdaithe ó Roinn A agus Roinn B.

Níl aon ábhar scrúdaithe ar an leathanach seo

Freagair **gach** cuid den cheist.

Ceist 16

- (a) Ar do ghléas, oscail an ríomhchlár ar a dtugtar **Ceist16_A.py**. Taispeántar an cód foinseach thíos agus déantar cur síos achomair air.

Sula ndéanfaidh tú aon athrú air, is cóir duit do chóip oibre den chomhad a shábháil san fhormáid

ScrúduimhirCeist16_A.py. Mar shampla, dá mba é 123456 do scrúduimhir, is faoin ainm **123456Ceist16_A.py** a shábhálfá an comhad.

Scríobh do scrúduimhir sa spás atá ar fáil ar **líne 2** i do chomhad Python.

I spóirt CLG, féadann imreoirí cúil agus pointí a scóráil.

Is fiú trí phointe gach cúl. Mar sin, má scórálann foireann dhá chúl agus ceithre phointe (2-4), is ionann sin agus deich bpointe, mar is fiú sé phointe an dá chúl, agus nuair a chuirtear sin leis na ceithre phointe, sin deich bpointe.

Tús ríomhchláir atá sa ríomhchlár thíos. Nuair a bheidh an ríomhchlár críochnaithe, cuirfidh sé scór dhá fhoireann i gcomparáid le chéile agus oibreoidh sé amach cé acu foireann atá tar éis buachan.



```

1 # Ceist 16(a)
2 # Scrúduimhir:
3
4 print("Scór")
5
6 foireann_a_cúil = 3
7 foireann_a_pointí = 5
8 foireann_a_iomlán = 0

```

Déan na hathruithe seo a leanas ar an ríomhchlár:

- (i) Modhnaigh an ríomhchlár ionas go bpriontálfar “Áireamhán Scórchlár CLG” in ionad “Scór”.
Nuair a ritear an ríomhchlár, is mar a leanas ba cheart don aschur ar an scáileán a bheith anois:

Áireamhán Scórchlár CLG

- (ii) Ríomh scór iomlán na foirne agus stóráil é san athróg `foireann_a_iomlán`, agus cuimhnigh go bhfuil cúl amháin cothrom le trí phointe. Priontáil scór iomlán na foirne ar an scáileán.

Nuair a ritear an ríomhchlár, is mar a leanas ba cheart don aschur ar an scáileán a bheith anois:

```
Áireamhán Scórchlár CLG
Scór iomlán Fhoireann A: 14
```

- (iii) Tá na luachanna le haghaidh `foireann_a_cúil` agus `foireann_a_pointí` “cruachódaithe” faoi láthair sa ríomhchlár. Modhnaigh an ríomhchlár ionas go n-iarrfar ar an úsáideoir an líon cúl agus pointí ag Foireann A a ionchur. Ba cheart na hionchuir a úsáid chun an líon iomlán pointí ag na foirne a ríomh agus a aschur.

Nuair a ritear an ríomhchlár, is mar a leanas a d’fhéadfadh an t-aschur ar an scáileán a bheith anois:

```
Áireamhán Scórchlár CLG
Cuir cúil Fhoireann A isteach: 2
Cuir pointí Fhoireann A isteach: 7
Scór iomlán Fhoireann A: 13
```

- (iv) Cuir athróg nua isteach chun an cód a mhodhnú ionas gur féidir glacadh le hionchuir le haghaidh foireann eile darb ainm Foireann B. Ba cheart luach scór Fhoireann B a thuairisciú don úsáideoir freisin.

Nuair a ritear an ríomhchlár, is mar a leanas a d’fhéadfadh an t-aschur ar an scáileán a bheith anois:

```
Áireamhán Scórchlár CLG
Cuir cúil Fhoireann A isteach: 2
Cuir pointí Fhoireann A isteach: 7
Scór iomlán Fhoireann A: 13
Cuir cúil Fhoireann B isteach: 1
Cuir pointí Fhoireann B isteach: 9
Scór Iomlán Fhoireann B: 12
```

- (v) Modhnaigh an cód ionas go ndéanfaidh an ríomhchlár scóir iomlána an dá fhoireann a chur i gcomparáid le chéile agus go n-inseoidh sé don úsáideoir cé acu foireann atá tar éis buachan. I gcás comhscóir, ba cheart don aschur comhscór a thuairisciú.

Nuair a ritear an ríomhchlár, is mar a leanas a d’fhéadfadh an t-aschur ar an scáileán a bheith anois:

Sampla 1:

```
Áireamhán Scórchlár CLG
Cuir cúil Fhoireann A isteach: 2
Cuir pointí Fhoireann A isteach: 7
Scór iomlán Fhoireann A: 13
Cuir cúil Fhoireann B isteach: 1
Cuir pointí Fhoireann B isteach: 9
Scór Iomlán Fhoireann B: 12
Toradh: An bua ag Foireann A
```

Leantar den cheist seo ar an gcéad leathanach eile.

Sampla 2:

```
Áireamhán Scórchlár CLG
Cuir cúil Fhoireann A isteach: 1
Cuir pointí Fhoireann A isteach: 7
Scór iomlán Fhoireann A: 10
Cuir cúil Fhoireann B isteach: 3
Cuir pointí Fhoireann B isteach: 5
Scór Iomlán Fhoireann B: 14
Toradh: An bua ag Foireann B
```

Sampla 3:

```
Áireamhán Scórchlár CLG
Cuir cúil Fhoireann A isteach: 2
Cuir pointí Fhoireann A isteach: 7
Scór iomlán Fhoireann A: 13
Cuir cúil Fhoireann B isteach: 1
Cuir pointí Fhoireann B isteach: 10
Scór Iomlán Fhoireann B: 13
Toradh: Comhscór
```

- (vi) Modhnaigh an cód ionas go n-inseofar don úsáideoir an líon pointí lenar bhuaigh an fhoireann bhuacach mura raibh comhscór ann.

Nuair a ritear an ríomhchlár, is mar a leanas a d'fhéadfadh an t-aschur ar an scáileán a bheith anois:

```
Áireamhán Scórchlár CLG
Cuir cúil Fhoireann A isteach: 1
Cuir pointí Fhoireann A isteach: 7
Scór iomlán Fhoireann A: 10
Cuir cúil Fhoireann B isteach: 3
Cuir pointí Fhoireann B isteach: 5
Scór Iomlán Fhoireann B: 14
Toradh: An bua ag Foireann B
Líon pointí idir na foirne: 4
```

Sábháil do chomhad san fhormáid **ScrúduimhirCeist 16_A.py**. Mar shampla, dá mba é 123456 do scrúduimhir, is faoin ainm **123456Ceist16_A.py** a shábhálfá an comhad.

- (b) Ar do ghléas, oscail an ríomhchlár ar a dtugtar **Ceist16_B.py**. Tá dhá nóta tráchta sa chomhad sin ar líne 1 agus líne 2.

Sula ndéanfaidh tú aon athrú air, is cóir duit do chomhad a shábháil san fhormáid **ScrúduimhirCeist16_B.py**. Mar shampla, dá mba é 123456 do scrúduimhir, is faoin ainm **123456Ceist16_B.py** a shábhálfá an comhad.

Scríobh do scrúduimhir sa spás atá ar fáil ar **líne 2**.

Feidhmigh ríomhchlár a chuirfidh ar chumas bainisteoirí foirne sonraí faoi chluichí a bhfoirne a bhailiú agus a thaispeáint.

Ba cheart duit nótaí tráchta a úsáid ar fud do ríomhchláir chun do chód a mhíniú. D'fhéadfadh sé go mbeifeá ag iarraidh cuid den chód a d'úsáid tú i **gcuid (a)** a úsáid arís anseo mar chuid de do réiteach.

Ba cheart do do ríomhchlár na riachtanais seo a chomhlíonadh:

- Ba cheart an teachtaireacht seo a phriontáil ar an scáileán: “Aip Sonraí Foirne”.
- Ba cheart a iarraidh ar an úsáideoir ainm na foirne a chur isteach.
- Ba cheart a iarraidh ar an úsáideoir torthaí na gcúig chluiche dheireanacha a d'imir siad a chur isteach. Is féidir B (bua), C (cailleadh) nó CS (comhscór) a chur isteach.
- Ba cheart don ríomhchlár ainm na foirne agus an líon cluichí a bhuaigh siad, a chaill siad agus a chríochnaigh ar comhscór a aschur ar an scáileán, mar a thaispeántar san aschur samplach thíos.

```
Aip Sonraí Foirne
```

```
Cuir isteach ainm na foirne: Na Fánaithe
```

```
Toradh (B/C/CS): B
```

```
Toradh (B/C/CS): B
```

```
Toradh (B/C/CS): CS
```

```
Toradh (B/C/CS): B
```

```
Toradh (B/C/CS): C
```

```
*** Na Fánaithe - Torthaí ***
```

```
Bua: 3
```

```
Cailleadh: 1
```

```
Comhscór: 1
```

Sábháil do chomhad san fhormáid **ScrúduimhirCeist16_B.py**. Mar shampla, dá mba é 123456 do scrúduimhir, is faoin ainm **123456Ceist16_B.py** a shábhálfá an comhad.

Spás le haghaidh sracoibre.

Ní dhéanfaidh an scrúdaitheoir athbhreithniú ar an leathanach seo.

Spás le haghaidh sracoibre.

Ní dhéanfaidh an scrúdaitheoir athbhreithniú ar an leathanach seo.

Spás le haghaidh sracoibre.

Ní dhéanfaidh an scrúdaitheoir athbhreithniú ar an leathanach seo.

Spás le haghaidh sracoibre.

Ní dhéanfaidh an scrúdaitheoir athbhreithniú ar an leathanach seo.

Fógra cóipchirt

D'fhéadfadh sé go bhfuil téacsanna nó íomhánna sa scrúdpháipéar seo nach é Coimisiún na Scrúduithe Stáit úinéir an chóipchirt orthu, agus d'fhéadfadh sé gur athchóiríodh iad chun críoch an mheasúnaithe gan cead na n-údar a fháil roimh ré. Ullmhaíodh an scrúdpháipéar seo de réir alt 53(5) den Acht Cóipchirt agus Ceart Gaolmhar, 2000. Ní údaraítear aon úsáid dá éis chun aon chríche ach amháin chun na críche a bhfuil sé beartaithe chuici. Ní ghlacann an Coimisiún aon dliteanas as sárú ar bith ar chearta tríú páirtí a eascraíonn as dáileadh nó úsáid neamhúdaraíthe an scrúdpháipéir seo.

Scrúdú na hArdteistiméireachta – Gnáthleibhéal

Ríomheolaíocht – Roinn C

Dé Céadaoin, 20 Bealtaine
Maidin 11:30 – 12:30